



O Volapükafleens Valöpo!

Konot atmulik, keli etradutom flen S. Meira, labon tiädi : „Rosad hiela Paracelsus” fa hiel Jorge Luís Borges. If vilol reidön konoti at in Spanyänapük rigik e leigodön oni ko tradutod Volapükik, visitolös, begö! ladeti leätronik sököl:

http://ar.geocities.com/elspamesmlerda/Borges/borges-1983-rosa_paracelso.htm

Anikans blibons nog su tikädöp oksik, das Volapük binon nesuemovik. Ab hiel Arie de Jong, kel irevidom püki, no äbaicedom ko somikans. Ekö vöds sapik oma in tef at:

„El Schleyer äneodom pro sit okik stamädis mu brefikis. Pro zeil at, ävälom vödis se natapüks valasotik, ab gretadilo se püks Lingläna, Fransäna e Deutäna. Kö äbinos zesüdik, ävotafomom onis jüs ivedons pötöfikis pro sit okik. Dub dunamod at, Volapük no evedon pük su natapük seimik staböl, ab evedon äsvo pük livätik, sui generis, pük labü kalad lönik.”

Volapük binon vo pük balik. No binon slafan püka alseimik. Volapük binon koboyumükarät labü lons patik. Kleiliko vödstok püka dekömon de vöds ya dabinöls in natapüks votik. In tef at, gebon tikamagotis fa vöds at pelofölis, ab if zesüdos ad votafomön onis bosilo, täno no zogon ad dunön osi, bi vöds no binons mastans – binons dünans, e Volapük ai eträitons onis somo. Sekü atos, Volapük labon kaladi lönik – kaladi, kel binon balik bevü püks mekavik votik. Medü on, vöds semikna pebrefüköls se püks vola lölik pledons rouli oksik patik, stabü gramat nedöfik, ad nunön tikamagotis kleilik menefe bal.

Valikosi Gudikün Oles ed Olikanes sedom

Ralph

ROSAD HIELA PARACELSUS
fa hiel Jorge Luís Borges

In bür okik, kel binädon me lucems tel dis nuf, hiel Paracelsus äbegom Gode okik, Gode nefümik oka, Gode alseimik, das ösedom ome tidäbi.

Ävedos nevifiko soar. Fil smalik in filetatop äjedon jadis nenomöfik. Löökön oki ad filidön lampadi ferik binos vob tuik. El Paracelsus, kela küpäi pidetiron dub fen, äglömom leplekami okik. Neit ya iradon steilömis püfik e vatidugianili, ven änokoy ta yan.

Man at slipöfiko älöükom, ägrämom tridemili skrubätik, ed ämaifükom yani.

Nesevädikan änükömom. Äbinom id om fenik. El Paracelsus äjonom ome seadöpi; votikan äseidom oki ed ästebedom.

Dü tim semik no ätökoms vödi bal.

Tidan äbinom balidan, kel äspikom.

„Memob logodis se Vesüdän e logodis se Lofüdän,” äsagom, no nen pleid. „No memob oliki. Kim binol-li, e kisi vilol-li de ob?”

Nem obik binon neveütik,” ägesagom votikan. „Dü dels kil e neits kil egolob ad lükömön ini dom oluk. Vilob vedön tidäb oluk Eblinob ole dalabotis valik oba.”

Äsumom sakädi ed ädotülom oni su tab. Könäds äbinons mödiks ä goldiks. Ädunom osi me nam detik.

El Paracelsus ideflekom de om ad filidön lampadi. Ven ägeflekom äküpom, das nam nedetik äkipon rosadi. Rosad at ätupon omi.

Äseidom oki, ädeklivom boso, äyümom tipoti doatas okik ed äsagom: „Cedol obi fägiki ad mekön stoni, kel ceinon diletis valik ad gold, e lofol obe goldi. Ut, keli sukob, no binon gold, ed if gold binon veütik pro ol, neai obinol tidäb obik.”

„Gold no binon veütik pro ob,” ägespikom votikan. „Könäds at binons balugiko dilil desira obik ad vobön. Vilob, das otidol obe Lekani. Vilob begolön kobo ko ol vegi, kel dugon lü ston.

Tidäb äsagom me vög koldik: „Begob ole miseri ad jonön obe nepubarni e gepubarni rosada. No veütikos, if vobol me steilöms u me Vöd.”

El Paracelsus äsagom nevifiko: „Veg binon ston. Detävapün binon ston. If no suemoi vödis at, no nog eprimol ad suemön. Step alik ola binon zeil.”

Votikan älogedom omi kudiko. Äsagom me vög distik: „Ab, dabinon-li zeil?”

El Paracelsus äsmilom.

„Nofölans obik, kels no binons läs mödiks, ka stupiks, sagon, das no dabinon, e nemons obi lugani. No baicedob ko ons, ab no nemögos, das lifob in luset. Sevob, das „dabinon” Veg.”

Äbinom seilik. Täno votikan äsagom:

„Blümob ad begolön oni ko ol, igo if omutobs golön dü yels mödik. Dälolös obe ad travärön däsarti. Dälolös obe ad logön se fag läni pepromöl, igo if stels no leadons pobestepön oni. Vilob te blöfi bal büä osetävob.”

„Kiüpo?” äsäkom el Paracelsus kudiko.

„Ebo anu,” äsagom tidäb me näm süpik.

lprimoms spikoti in latin; anu in Deutänapük.

Hiyunan ätovom rosadi ini lut.

„Dabinon sagäd,” äsagom, „das kanol fefilükön rosadi e koedön gepubön oni se zens yufü Lekan olik. Dälolös obi ad temunön milagi at. Te atosi begob ole, ed ogivob ole poso lifi lölik oba.”

„Binol vo kredälik,” äsagom tidan. „No neodob kredäli; flagob fiedi.”

Votikan älaidulom: „Ebo bi no binob kredälik, vilob logön me logs obik nosükami e dönulifükami rosada.” El Paracelsus isumom oni, e spikölo äpledrom me on.

(Fövoti konota kanoy reidön su pad 46).

CILS KÄPTENA GRANT (fa Jules Verne) (6)

Nevifiko el Robert sevälöfikom. El Glenarvan
lemufükom danöfikom nami savane oma.



„Ai dünan ola,
Thalcovel!”



Yagan lovesumom
dugi grupa smalik e
dugädöm oni da
Pampadän.

Täno nüdügom oni ini vilag Lindiyanik, kö remoms blimi e Jevodis.
El Glenarvan cedom, das is kanom bosi savön tefü nepubans, ab
nensekiko.



Pos dels anik rivoms flumedl „Guamini.” Jolü flumed reguloms neitätänadi.



Slip omsik paropon sūpo. Milats faemikas lakvaradas, lups redik Pampadāna, rorons zū tīnad. Bū delalīt jūtaglōpēm ya pefegēbon. El Thalcope sāedom jevodi oka ad mobātōn lupis de tīnad. Ab el Glenarvan no balcedom. Om vilom monitōn. Dū blōfād omas, el Robert bunom sui jevod Lindiyana e monitom kos lunims. Pō solasūlōpikam, monitans galotoms vesūdīo. Loged omsik sukon eli Robert, funi hikela dredoms ad tuvōn seimo. Ab pos dūp bal . . .



„Binol yunan kuradik e vīfik ās vien.”

„Āmutob monitōn; El Thalcope ya balna esavom lifi objk, ed ol vilol savōn fati oba!”

„Lesi, o cil oba! Takād odefon obe jūs utuvob Kāpteni Grant!”

Pos monit lunik e tōbik lūsedanef logon fortifi nemū „Līvāt.” Major Manuel, būdan fortifila Largāntānik getedom lūkōmanis ladōfiko, ab . . .



„Binol kredälik," äsagom. „Sagol, das fägob ad distukön oni?"

„Nek no fägon ad distukön oni," äsagom tidäb.

„Negidetol. Kredol-li, das bos kanon-la pagegivön nose? Kredol-li, das el Adam balid in Parad ikanom-la distukön flori igo bal, u yebabledi bal?"

„No binobs in Parad," äsagom viläliko hiyunan. „Is, dis mun, valikos binon deadöfik."

El Paracelsus ilöükom oki dönu.

„In top votik kinik binobs-li? Kredol-li, das Godöf kanon-la jafön topi, kel no binon Parad? Kredol-li, das Fal bos votik binon-la, äs nesev, das binobs in Parad?"

„Rosad kanon pafilükön," äsagom tidäb letodiko.

„Fil nog dabinon in filetatop," äsagom el Paracelsus. „If jedolöv rosadi at sui on, kredolöv, das püfepilükön, e das zen obinon veratik. Sagob ole, das rosad binon laidüpiik, e das te jin onik kanon cenön. Saidonöv obe vöd te bal ad jonön oni obe dönu."

„Vöd bal-li?" äsagom pesüpädölo tidäb. „Vatidugianil ya pekvänon, e steilöms binons fulü püf. Kisi dunolöv-li ad gepübön oni?"

El Paracelsus älogedom omi lügiko.

„Vatidugianil ya pekvänon," ädönuom, „e steilöms binons fulü püf. Pö dil at lifatäva obik gebob stumis votik."

„No riskob ad säkön, kiniks binons," äsagom votikan lukäfikö, u ba mükiko.

„Spikob dö ut, keli ägebon Godöf ad jafön sülis e tali, äsi Paradi nelögädik, kö anu binobs, e keli sinod rigik klänedon de obs. Spikob dö Vöd, keli tidon obes nolav Kabaala."

El Paracelsus ämeditom. Poso äsagom: „If dunoböv osi, sagolöv, das atos binon te jin pekodöl dub magiv logas olik. Milag at no givonöv ole fiedi, keli sukol. Klemolös, kludo, rosadi.”

Hiyunan älogedom omi, boso pästupöl. Tidan laodiko äsagom ome: „Zuo, kim binol-li ad nükömmön ini dom tidana e ad flagön milagi? Kisi edunol-li ad meritön legivoti somik?”

Votikan ägesagom, me vög dremöl: „Ya sevob, das edunob nosi. Begob ole nemü yels mödik, dü kels ostudob in jad olik, das дәlölös obe ad logön zenı e poso rosadi. Nosi obegob plä atos. Okredol temunami logas obik.”

Süpiko äsumom rosadi leredik, keli el Paracelsus ilüvom su tab, ed äjedom oni ini flams. Köl peperon, e te zen nemödik äreton. Dü timül nenfinik ästebedom vödis e milagi.

El Paracelsus no imüätikom. Äsagom me balugöf süpädöl: „Sanans e pötekans valik di Basel lesagoms, das binob cütan. Ba gidetoms. Is binon zen, kel äbinom rosad e no plu obinom.”

Hiyunan äjemom. El Paracelsus äbinom lutidan, u ba visionan, ed om, nüdranölan, ägolom love yan omik ed ämütom omi ad koefön, das lekans magivik omik äbinons vaniks.

Äkienom ed äsagom ome: „Ebitob nepardoviko. Pö ob edefon fied, keli Söl flagon de lekredans. Dәlölös obe, das lailogob zenı. Ogekömob, ven ovedob nämikum, e lä fin Vega ologob rosadi.”

Äspikom me levip, ab levip at äbinon pid, keli kodon in om tidan bäldik, so palestümöl, so patataköl, so famik ä fino so vagik. Kim äbinom-li om, el Johannes Griesbach, ad түvön me nam blasfämik, das po maskar nek dabimon?

Könäds goldik äbinonsöv nu limun. Ägesumom onis ven ämogolom. El Paracelsus ädugädom omi jü fut tridema ed äsagom ome, das in dom at ai obinom benokömik. Bofikans äsevoms, das neai ölogoms odi dönu.

El Paracelsus äblibom soelölo. Büä äkvänom lampadi, äkonletom ini nam okik zenı nemödik ed äsagom vödi bal nelaodiko. Rosad ägepubon.

SMILOBSÖS !

Linglänan ävisitom Lamerikáni. Ven äküpetom mani, kel äsmökom zigari vemo gretiki, äsagom: „Zigar gretik klon!” Man ägespikom: „Is in Lamerikän dunoy valikosí gretiko!”

Täno älogom toodi vemo gretiki ed äsagom: „Tood gretik klon!” Ek ägespikon dönuo: „Is in Lamerikän dunoy valikosí gretiko!”

Pos minuts anik älükömom lü lotidöp ed äsäkom: „Kiöp binon-li tvalet?” Ab neläbiko äflekom oki põ gul doblk ed äfalom ini svimaban. Ävokädom: „No tirolöd jänli!”

• • • • • • • • • • • •

Mans kil: lugan, tıfan e bolıtan äyüloms dö fäg oksik ad blıbön in svınalecek ko svın.

Balido lugan ägolom ini svınalecek. Pos minuts deg äsekömom.

Täno tıfan änúgolom ini lecek. Pos minuts teldeg id om äsekömom.

Fino bolıtan änúgolom ini lecek. Pos minuts kildeg svın äsekömom.

(Cogs löpik petradutons fa hiel John Redgwell)

• • • • • • • • • • • •

ETUVOL-LI KRODAVÖDIS VERÄTIK?

Horitătik: 1) leefad; 7) vum; 8) gok; 10) ob; 13) giraf; 16) pijun; 17) me; 18) -av; 20) näi; 21) raänid; 22) ors; 26) -um; 28) ve; 29) Is; 30) tigrıd; 31) klu.

Penditık: 1) leopard; 3) -ef; 5) ag! 6) dog; 9) kim? 12) turno; 14) renar; 15) flıb; 19) od; 23) sval; 24) fit; 25) fig; 27) mid.

• • • • • • • • • • • •